

# Spezialista da sanadad AFQ

## Spezialist da sanadad AFQ

Gesundheit

Soziales

### Durada

3 onns

### Terminaziun

Eidgenössisches  
Fähigkeitszeugnis EFZ

### Indicaziuns davart il salari

1. onn d'emprendissadi: CHF  
740,95.–  
2. onn d'emprendissadi: CHF  
987,8.–  
3. onn d'emprendissadi: CHF  
1255,85.–

Las spezialistas ed ils spezialists da sanadad gidan umans en il mintgadi u durant ina malsogna. Ellas ed els porschan sustegn per sa trair en e sa trair ora, per far la duscha u per mangiar. Las dunnas ed ils umens da professiun organiseschan activitads e termins externs. Ultra da quai dattan ellas ed els medicaments, midan faschadiras ed adatteschan la posiziun da personas en letg.

## Incumbensas

### Sustegnair personas en il mintgadi

- gidar umans, p.ex. cun far la duscha, cun far bogn u cun sa trair en e sa trair ora, quai cun laschar ad els uschè blera independenza sco pussaivel
- far la barba e far si chavels a personas
- liquidar differentas lavurs da tegnairechasa, p.ex. far la laschiva, midar la rauba da letg u lavar giu la vaschella
- gidar la glied tar la consumaziun dals pasts, quai cun resguardar nutriments spezials u dietas
- sustegnair personas cun la sutga cun rodas u cun il rollatur
- metter en letg personas malsaunas u adattar la posiziun da pazientas e pazients che ston star en letg
- sustegnair projects da prevenziun, sco campagnas da vaccinaziun
- accompagnar personas a la fin da lur vita

### Tgirar umans

- observar la sanadad e surdar las personas al personal medical en cas da midadas sco er dar alarm en cas d'urgenza e prestar emprim agid
- mesirar la temperatura, la pressiun dal sang ed il puls
- prender emprovas dal sang e da l'urin e trametter quellas al labor
- preparar medicaments e dar quels tenor l'ordinaziun dal personal da tgira

- dar squittas
  - reglar infusiuns e nutrir artificialmain pazientas e pazients
  - midar faschadiras e tgirar plajas
  - applitgar las reglas d'igierna e da segirezza, p.ex. dismetter correctamain il material duvrà u nettegiar e dischinfectar ils instruments
- 

## **Organisar lavurs**

- organisar il mintgadi dals umans e planisar activitads, p.ex. gieus u lavurs a maun
- planisar termins externs, p.ex. per la fisioterapia u per visitas tar la media u il medi, ed accompagnar ils umans sche necessari
- preparar documents per la recepziun, per la dischlocaziun u per la relaschada d'ina persuna assistida
- controllar ils effectivs d'apparats, da medicaments e da nutriment ed empustar il material necessari

## **Ambient da lavur**

Las spezialistas ed ils spezialists da sanadad collavuran stretgamain cun medias, cun gidanters da tgira e cun autras persunas spezialisadas dal sector da sanadad. Ellas ed els portan vestgadira da lavur speziala, sco chamischas da tgira u chautschas da tgira. Las dunnas ed ils umens da professiun lavuran er la notg u las fins d'emna.

Las spezialistas ed ils spezialists da sanadad lavuran en fitg differentas instituziuns da sanadad e dals fatgs socials, per exempel en ospitals, en clinicas psichiatricas, en centers da rehabilitaziun, en centers da persunas attempadas e da tgira, en chasas per persunas cun impediments u en il sector da la Spitex. Il martgà da lavur è fitg bun.

## **Pretensiuns e interess**

### **Pretensiuns**

- Empatia
  - Curtaschia e sensibilitad
  - Abilitad da lavurar en in team
  - Discreziun
  - Prontezza da lavurar durant uras irregularas u servetschs da notg
  - Equiliber emoziunal
  - Senn per igiena e per nettezza
  - Pazienza
- 

### **Interess**

- Gidar e tgirar autras personas
- Avair contact cun personas
- Lavurar en il team
- Lavurar en moda exacta
- Planisar, organisar

## Scolaziun

### Manaschis

---

En ina instituziun da sanadad u dals fatgs socials

### Scola

---

1 fin 2 dis per emna en la scola professiunala spezialisada

### Curs odaifer il manaschi

---

Emprender, approfondar ed exercitar las basas professiunalas, 34 dis durant 3 onns

### Scola a temp cumplain

---

#### Tut las scolas

<https://www.berufsberatung.ch/de/suche/aus-weiterbildungen?profession=57093&language=5239>

### Durada

---

3 onns

### Cundiziuns d'admissiun

---

Terminà la scola obligatorica

### Maturitad professiunala

---

Sche las prestaziuns da scola èn fitg bunas, pon las emprendistas ed ils emprendists frequentar supplementarmain la scola da maturitad professiunala.

Spezialist / Spezialista da sanadad AFQ

## Furmaziun cuntinuonta

### Curs

Purschidas da scolas spezialisadas e da scolas professiunalas spezialisadas sco er da federaziuns professiunalas.

### Examen professiunal (EP)

Cun attestat professiunal federal, p.ex.:

- Spezialist / Spezialista per tgira da lunga durada ed accumpagnament
- Coordinatur / Coordinatura da pratica medicala
- Cussegliader / Cussegliadra da malsognas respirativas
- Spezialist / Spezialista da diagnostica neurofisiologica
- Massader medical / Massadra medicala
- Sanitari / Sanitaria d'ambulanza

### Examen professiunal superiur (EPS)

P.ex. Expert / Experta per analisas biomedicalas e gestiun da labor cun diplom federal u Expert / Experta da citodiagnostica cun diplom federal

### Scola spezialisada superiura (SSS)

Studis en roms parentads, p.ex.:

- Tgirunz / Tgirunza dipl. SSS
- Spezialist / Spezialista d'activaziun dipl. SSS
- Igienicher / Igienicra da dents dipl. SSS
- Spezialist / Spezialista da radiologia medicala dipl. SSS
- Spezialist / Spezialista per tecnica d'operaziun dipl. SSS
- Sanitari / Sanitaria da salvament dipl. SSS
- Analiticher biomedical / Analiticra biomedicala dipl. SSS

### Scola auta spezialisada (SAS)

Studis en secturs parentads, p.ex. bachelor of science en tgira u en fisioterapia.

Tut tenor la scola auta spezialisada valan differentas cundiziuns d'admissiun.

## Professiuns sumegliantas

# Ulteriuras infurmazions

Swissdoc Nummer

TODO

OdASanté

<https://www.odasante.ch>

TODO

<https://www.becc.admin.ch/becc/public/bvz/beruf/show/86914>